

Կազմված է 23.04.2021թ.

Տպագրված է 2 օրինակից
Օրինակ 1


Հաստատված է

«Ինքնիշխան Հայաստան»
կուսակցության

2021 թվականի ապրիլի 23-ի
հիմնադիր համագումարի որոշմամբ

Կուսակցության վարչության
նախագահ՝

Դավիթ Սանասարյան



Գրանցված է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ


« 20 » Տեպրեմբեր 2021 թ.

Գրանցման համար՝

211.172.1189145

Հարկ վճարողի հաշվառման համար՝

02841531



Կանոնադրություն

«Ինքնիշխան Հայաստան»

կուսակցության

Երևան 2021

«ԻՆՔՆԻԶԻԱՆ ՀԱՅԱՍՏԱՆ» ԿՈՒՍԱԿՑՈՒԹՅԱՆ ԿԱՆՈՆԱԴՐՈՒԹՅՈՒՆ

I. ԸՆԴՀԱՆՈՒՐ ԴՐՈՒՅԹՆԵՐ

1. «Ինքնիշխան Հայաստան» կուսակցությունը (այսուհետ՝ Կուսակցություն) անհատական անդամության հիման վրա ստեղծված հասարակական-քաղաքական միավորում է, որն իր գործունեությունն իրականացնում է անդամության կամավորության, ինքնակառավարման, անդամների իրավահավասարության, օրինականության, ժողովրդավարության, հրապարակայնության, թափանցիկության, նախաձեռնությունների ազատ դրսևորման, կուսակցության անկախության, կոլեգիալության և հաշվետվողականության սկզբունքների վրա:
2. Կուսակցությունը ոչ առևտրային իրավաբանական անձ է, օգտվում է Հայաստանի Հանրապետության օրենսդրությամբ ընձեռված բոլոր իրավունքներից և կրում է դրանցով սահմանված պարտականություններ: Կուսակցությունը, նրա տարածքային և կառուցվածքային ստորաբաժանումները գործում են Կուսակցության կանոնադրության (այսուհետ՝ Կանոնադրություն) հիման վրա և դրան համապատասխան:
3. Կուսակցությունը ղեկավարվում է Հայաստանի Հանրապետության Սահմանադրությամբ, «Կուսակցությունների մասին» ՀՀ սահմանադրական օրենքով, Հայաստանի Հանրապետության մյուս օրենքներով, Հայաստանի Հանրապետության միջազգային պայմանագրերով, այլ նորմատիվ իրավական ակտերով և սույն Կանոնադրությամբ, ինչպես նաև Կուսակցության ծրագրով:
4. Կուսակցության անվանումն է՝
 - 1) հայերեն՝ «Ինքնիշխան Հայաստան» կուսակցություն (հապավումը՝ ԻնքՀԿ)
 - 2) ռուսերեն՝ Партия “Суверенная Армения” (հապավումը՝ ПСубА)
 - 3) անգլերեն՝ “Sovereign Armenia” Party (հապավումը՝ SovAP)
5. Կուսակցությունն ունի խորհրդանիշ, դրոշ, ձևաթուղթ, կնիք, բանկային հաշիվներ և այլ անհատականացման միջոցներ:
6. Կուսակցության խորհրդանիշը պատկերում է ծիրանագույն գունավորմամբ, բացված թևերով, քսաներեք մասից բաղկացած, գլուխը դեպի աջ ուղղած արծիվ, որը խորհրդանշում է ուժ և ազատություն: Խորհրդանիշն ամբողջական տեսքով

արտահայտում է նաև հաղթանակ (victory) խորհրդանշող V-աձև նշան: (տես՝ հավելված 1)

7. Կուսակցության դրոշմ՝ կապույտ, լայնության և երկարության չափերի 1:2 հարաբերակցությամբ պաստառ է, որի կենտրոնում պատկերված է Կուսակցության խորհրդանիշը և կողքին գրված են «Ինքնիշխան Հայաստան» բառերը:
8. Կուսակցության իրավաբանական հասցեն՝ է՝ Հայաստանի Հանրապետություն, ք. Երևան, Սարյան 26/3 շենք:

II. ԿՈՒՍԱԿՑՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

9. Կուսակցության գործունեության նպատակներն են՝ Հայաստանի Հանրապետության ինքնիշխանության բոլոր տարրերի պահպանումն ու ամրապնդումը, Հայաստանի Հանրապետության սուբյեկտայնության ձևավորումը, տարածաշրջանային և միջազգային մակարդակներում ինքնուրույնության և ազգային կենսական շահերի պաշտպանությունն ու սպասարկումը, ժողովրդավարական ինստիտուտների շարունակական զարգացումը և դրանց միջոցով քաղաքացու և մարդու իրավունքների պաշտպանությունը, հանրաքվեների, համապետական և տեղական ինքնակառավարման մարմինների ընտրություններին մասնակցությամբ լեգիտիմ իշխանության ձևավորումն ու դրա միջոցով քաղաքացիների կյանքի որակի բարելավումը, ֆիզիկական և սոցիալական անվտանգության երաշխավորումը, Հայաստանի Հանրապետության քաղաքական համակարգի կայունացմանը նպաստելը:

10. Կուսակցության խնդիրներն են՝

- 1) Կուսակցության կողմից սահմանված և մշակված ծրագրերի իրագործումը.
- 2) ինքնիշխանության յուրաքանչյուր բաղադրիչի մասին օբյեկտիվ քաղաքական գնահատականներ տալը, յուրաքանչյուր բաղադրիչի մասով քաղաքական և քաղաքացիական կառույցների հետ համագործակցությամբ զարգացման ուղղությունների մշակումը և իրագործումը.
- 3) քաղաքական և իրավական գործընթացների միջոցով շրջակա միջավայրի վրա ունեցած ազդեցությունները կառավարելի դարձնելը.
- 4) քաղաքական նոր մշակույթի և հանդուրժողականության ձևավորումը

- 5) հակակոռուպցիոն ինստիտուցիոնալ մարմինների ձևավորումն ու արդյունավետ պայքարի մեխանիզմների ներդրումը.
- 6) տեղական ինքնակառավարման մարմինների գործունեության արդյունավետության բարձրացումը, համայնքների հարմարավետության, մատչելիության, համահարթ զարգացումը, ներդրումային միջավայրի կայունության ապահովումը.
- 7) դատաիրավական բարեփոխումները գործարկելը, դատարանների և արդարադատության նկատմամբ համընդհանուր վստահելիության հաստատումը, դատական իշխանության անկախության երաշխավորումը.
- 8) քաղաքական անհատների փոխարեն քաղաքական ինստիտուցիոնալ կառույցների կայացումը, քաղաքական կուսակցությունների ազդեցիկության ավելացումը, քաղաքական պատասխանատվության գործիքների կիրառումը.
- 9) նպաստել ժողովրդագրական ճգնաժամի հաղթահարմանը, խթանել բնակչության վերարտադրության աճին միտված քաղաքական, սոցիալական, տնտեսական ծրագրերի իրականացմանը.
- 10) նպաստել Հայաստանի Հանրապետության տարածքային սոցիալ-տնտեսական անհամաչափությունների վերացմանը, քաղաքական և իրավական գործիքակազմով մշակել և իրականացնել ապակենտրոն զարգացման ծրագրեր՝ դրանով մեղմելով կենսամակարդակի, աղքատության առկա տարածքային տարբերությունները և կրճատել աղքատության և գործազրկության ընդհանուր մակարդակը:

III. ԿՈՒՍԱԿՑՈՒԹՅԱՆ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

11. Կուսակցությունն իրավունք ունի օրենքով սահմանված կարգով՝

- 1) մասնակցել համապետական և տեղական ինքնակառավարման մարմինների ընտրություններին, հանրաքվեների նախապատրաստմանն ու անցկացմանը.
- 2) առաջադրել Ազգային ժողովի պատգամավորի, ինչպես նաև տեղական ինքնակառավարման մարմիններում ավագանու անդամի թեկնածուներ.
- 3) ստեղծել տարածքային և կառուցվածքային ստորաբաժանումներ, ներկայացուցչություններ, ինչպես նաև լուծարել դրանք.

- 4) տարածել տեղեկատվություն իր գործունեության մասին, քարոզել իր նպատակները և խնդիրները.
 - 5) «Հեռուստատեսության և ռադիոյի մասին» Հայաստանի Հանրապետության օրենքով սահմանված կարգով ընտրական գործընթացում հավասար և ոչ խտրական պայմաններով օգտվել պետական և տեղական ինքնակառավարման մարմինների հիմնադրած զանգվածային լրատվության միջոցներից.
 - 6) հիմնադրել զանգվածային լրատվության միջոցներ և հրատարակչություններ.
 - 7) կազմակերպելու և անցկացնելու խաղաղ, առանց զենքի հավաքներ..
 - 8) այլ կուսակցությունների հետ ստեղծել դաշինքներ (միավորումներ).
 - 9) ունենալ քաղաքացիական իրավունքներ և կրել դրանց հետ կապված պարտականություններ.
 - 10) հաստատել և պահպանել միջազգային կապեր ու շփումներ օտարերկրյա կուսակցությունների և միավորումների հետ, անդամակցել միջազգային միություններին ու ասոցիացիաներին.
 - 11) իրականացնել օրենսդրությամբ չարգելված, իր նպատակներին համապատասխանող այլ գործունեություն.
 - 12) իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող.
 - 13) իրականացնել Կանոնադրական նպատակներից և խնդիրներից բխող այլ միջոցառումներ:
12. Կուսակցության պարտականություններն են՝
- 1) պահպանել Հայաստանի Հանրապետության Սահմանադրությունը և օրենքները, ինչպես նաև իր կանոնադրությունը, ծրագիրը և որոշումները.
 - 2) յուրաքանչյուր տարի <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում հրապարակել գույքի օգտագործման վերաբերյալ հաշվետվություն՝ նշելով դրա կազմավորման աղբյուրները.
 - 3) ընտրություններին մասնակցելու դեպքում կուսակցությունների ընտրական ցուցակների գրանցման համար օրենքով սահմանված ժամկետի ավարտից հետո՝ հինգ օրվա ընթացքում, Կենտրոնական ընտրական հանձնաժողով ներկայացնել

Կուսակցության (կուսակցությունների դաշինքները՝ դրանցում ընդգրկված կուսակցությունների) գույքի և եկամուտների մասին հայտարարագիր:

IV. ԿՈՒՍԱԿՑՈՒԹՅԱՆ ԱՆԴԱՄԸ, ԱՆԴԱՄԱԿՑԵԼՈՒ ԵՎ ԱՆԴԱՄՈՒԹՅՈՒՆԸ
ԴԱԴԱՐԵՑՆԵԼՈՒ ՊԱՅՄԱՆՆԵՐՆ ՈՒ ԿԱՐԳԸ

13. Կուսակցության անդամ կարող է լինել տասնութ տարին լրացած Հայաստանի Հանրապետության յուրաքանչյուր ընտրելու իրավունք ունեցող քաղաքացի, ով ընդունում է Կուսակցության ծրագիրն ու Կանոնադրությունը և չի հանդիսանում մեկ այլ կուսակցության անդամ: Կուսակցության հիմնադիր կամ անդամ չեն կարող լինել «Կուսակցությունների մասին» ՀՀ սահմանադրական օրենքով սահմանված անձինք:
14. Կուսակցությանն անդամագրվում են կամավոր հիմունքներով, անհատական կարգով, անձնական դիմումի համաձայն, Կուսակցության Վարչության կամ Կուսակցության տարածքային կառույցների ղեկավար մարմինների որոշմամբ: Դիմումի ձևը հաստատում է Կուսակցության Վարչությունը:
15. Կուսակցության անդամը վճարում է անդամավճար, որի չափը և վճարման կարգը սահմանում է Կուսակցության Վարչությունը:
16. Եթե ՀՀ Սահմանադրությամբ և օրենքներով Կուսակցությանն անդամակցությունն անհնարին է դառնում, այն կասեցվում է կուսակցության անդամի դիմումի հիման վրա և (կամ) Կուսակցության Վարչության որոշմամբ: Կասեցումը հանվում է նույն կարգով:
17. Կուսակցության անդամն իրավունք ունի ընտրել և ընտրվել կուսակցության ու նրա տարածքային ստորաբաժանումների ղեկավար և վերահսկողություն իրականացնող, ինչպես նաև ներկայացուցչական և ղեկավար մարմիններում, ներկա լինել Կուսակցության համագումարի նիստերին, ծանոթանալ կուսակցության մարմինների արձանագրություններին, ստանալ նրանց ընդունած որոշումների պատճենները, տեղեկատվություն ստանալ Կուսակցության ու նրա ղեկավար մարմինների գործունեության վերաբերյալ, ստանալ փաստաթղթերի պատճեններ՝ կուսակցության Կանոնադրության փոփոխությունների, գույքի կառավարումից ստացած դրամական միջոցների վերաբերյալ, ինչպես նաև ստանալ կուսակցության ֆինանսական հաշվետվությունների աուդիտն իրականացրած անկախ աուդիտորի եզրակացությունը, Կուսակցության ղեկավար մարմինների քննարկմանը ներկայացնել հասարակական-քաղաքական կյանքի տարբեր հարցերի վերաբերյալ նախաձեռնություններ և առաջարկություններ, մասնակցել այն ժողովին կամ նիստին,

որտեղ քննարկվում է նրա անձնական հարցը կամ առաջարկությունը, արտահայտել իր կարծիքը քննարկվող հարցերի վերաբերյալ, բողոքարկել Կուսակցության կառուցվածքային մարմինների և ստորաբաժանումների որոշումներն ու գործողությունները Կուսակցության վերադաս մարմիններում, կամովին դադարեցնել իրենց անդամակցությունը Կուսակցությանը, կասեցնել և վերականգնել իր անդամակցությունը Կուսակցությանը, օգտվել օրենքով և սույն Կանոնադրությամբ նախատեսված այլ իրավունքներից:

18. Կուսակցության անդամը պարտավոր է գործել Կանոնադրության շրջանակներում, կատարել Կուսակցության համագումարի, վերադաս մարմինների որոշումները և ծրագրային դրույթները, մասնակցել Կուսակցության նշանակած ժողովներին և միջոցառումներին, կատարել օրենքով և սույն Կանոնադրությամբ նախատեսված այլ պարտականություններ:

19. Կուսակցության անդամությունը դադարում է դիմումի համաձայն Կուսակցությունից դուրս գալու դեպքում, Կուսակցությունից հեռացվելու դեպքում, մահվան դեպքում, Կուսակցության լուծարման դեպքում, Հայաստանի Հանրապետության քաղաքացիության կորստի դեպքում, Հայաստանի Հանրապետության Սահմանադրությամբ, «Կուսակցությունների մասին» ՀՀ սահմանադրական օրենքով, այլ օրենքներով և սույն Կանոնադրությամբ նախատեսված այլ դեպքերում:

20. Կուսակցության անդամը, իր պարտականությունների չկատարման, թերացումների, կուսակցական կարգապահական դրույթների զանց առնման, Կուսակցության վերադաս մարմինների որոշումները չկատարելու համար կարող է ենթարկվել կարգապահական պատասխանատվության:

21. Կուսակցության անդամության դադարեցման դիմումն ընդունում են Կուսակցության Վարչությունը կամ տարածքային ստորաբաժանումների ղեկավար մարմինները, որը հաստատում է Կուսակցության Վարչությունը: Կուսակցության անդամության կասեցման, դադարեցման վերոնշյալ հիմքերի առկայության դեպքում Կուսակցության Վարչությունը ընդունում է որոշում՝ Կուսակցությունից անդամի հեռացման կամ Կուսակցության անդամակցության դադարեցման մասին:

22. Կուսակցության անդամներին կարգապահական պատասխանատվության կարող է ենթարկվել Կուսակցության Վարչությունը: Կարգապահական

պատասխանատվությունը կարող է լինել նկատողություն, խիստ նկատողություն և Կուսակցությունից հեռացում:

V. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

23. Կուսակցության կառուցվածքային մարմիններն են Կուսակցության համագումարը, Կուսակցության քաղաքական խորհուրդը, Կուսակցության վարչությունը, Կուսակցության նախագահը, փոխնախագահները, Կուսակցության գրասենյակը, արտաքին հարցերով քարտուղարը, Կուսակցության վերահսկիչ հանձնաժողովը, կառուցվածքային և տարածքային ստորաբաժանումները:
24. Կուսակցության տարածքային ստորաբաժանումներն են համայնքային կառույցները:
25. Կուսակցության կառուցվածքային ստորաբաժանումներն են՝ Կանանց խորհուրդը, Երիտասարդական միությունը և Կուսակցության վարչության կողմից ստեղծված մասնագիտական հանձնաժողովները:
26. Կուսակցության կառուցվածքային ստորաբաժանումները ստեղծում և լուծարում է Կուսակցության վարչությունը:
27. Կառուցվածքային ստորաբաժանումների ստեղծման, լուծարման, կազմի, կառուցվածքի և գործունեության կարգը սահմանվում է սույն Կանոնադրությամբ և Կուսակցության վարչության ընդունած համապատասխան կարգով:
28. Կուսակցության համագումարի, ղեկավար մարմինների իրավասության ոլորտները սահմանվում են «Կուսակցությունների մասին» ՀՀ սահմանադրական օրենքով, սույն Կանոնադրությամբ և Հայաստանի Հանրապետության այլ իրավական ակտերով:
29. Կուսակցության տարածքային և կառուցվածքային ստորաբաժանումները ստեղծվում և լուծարվում են Կուսակցության վարչության որոշմամբ, ինչպես նաև ստեղծման և լուծարման կարգը սահմանվում է սույն Կանոնադրությամբ և տվյալ կառույցների կարգերով, որը հաստատում է Կուսակցության վարչությունը:
30. Կուսակցության վերահսկիչ հանձնաժողովի իրավասությունները սահմանվում են սույն Կանոնադրությամբ և վերահսկիչ հանձնաժողովի առանձին կարգով:

VI. ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ

31. Կուսակցության բարձրագույն ղեկավար մարմինը Կուսակցության համագումարն է (այսուհետ՝ Համագումար), որը գումարվում է երեք տարին մեկ անգամ:

32. Համագումարի աշխատանքներին մասնակցելու իրավունք ունեն Կուսակցության բոլոր անդամները անձամբ, ինչպես նաև պատվիրակների միջոցով: Անդամների կողմից պատվիրակների ընտրության համամասնությունը սահմանում է Կուսակցության վարչությունը: Հերթական համագումարը հրավիրվում է Կուսակցության վարչության որոշմամբ, որը կայացվում է վարչության անդամների ձայների պարզ մեծամասնությամբ:

33. Կուսակցության Համագումարն իրավագոր է, եթե Համագումարին ներկա է Կուսակցության անդամների ընդհանուր թվի առնվազն կեսը, իսկ Համագումարին պատվիրակների մասնակցության դեպքում՝ պատվիրակների ընդհանուր թվի առնվազն կեսը, բայց ոչ պակաս, քան 100 պատվիրակ:

34. Համագումարը՝

- 1) քննարկում է Կուսակցության ծրագրին, Կանոնադրությանն առաջարկվող փոփոխություններն ու լրացումները.
- 2) հաստատում է Կանոնադրությունը, դրանում կատարված փոփոխությունները և լրացումները.
- 3) ընդունում է Կուսակցության ծրագիրը, նրան կից փաստաթղթերը:
- 4) Հաստատում է Կուսակցության նախագահի հաշվետվությունը Կուսակցության գործունեության մասին.
- 5) ընտրում է Կուսակցության վարչությունը և կազմալուծում այն.
- 6) ընտրում է Կուսակցության նախագահին և դադարեցնում նրա լիազորությունները.
- 7) ընտրում է Կուսակցության վերահսկիչ հանձնաժողովի անդամներին, և կազմալուծում այն.
- 8) հաստատում է Կուսակցության վերահսկիչ հանձնաժողովի հաշվետվությունը.
- 9) որոշում է ընդունում Կուսակցության վերակազմակերպման և (կամ) լուծարման մասին:
- 10) հաստատում է Ազգային ժողովի հերթական ընտրություններում Կուսակցության ընտրական ցուցակում թեկնածուների՝ առնվազն առաջին երեք տասնյակին:

35. Կանոնադրության հաստատման և ծրագրի ընդունման, դրանցում փոփոխություններ և լրացումներ կատարելու, ղեկավար և վերահսկողություն իրականացնող մարմինների կազմավորման, մշտապես գործող ղեկավար մարմնի ղեկավարի ընտրության, Կուսակցության վերակազմակերպման, լուծարման մասին որոշումներն

ընդունվում են Համագումարում ծայնի իրավունք ունեցող մասնակիցների ընդհանուր թվի ծայների մեծամասնությամբ:

36. Համագումարի մնացած որոշումներն ընդունվում են Համագումարին ծայնի իրավունք ունեցող ներկաների ծայների մեծամասնությամբ:

37. Կուսակցության արտահերթ Համագումար կարող է հրավիրվել Կուսակցության վարչության անդամների 2/3-ի որոշմամբ կամ Կուսակցության անդամների 1/5-ի նախաձեռնությամբ:

VII. ԿՈՒՍԱԿՑՈՒԹՅԱՆ ՔԱՂԱՔԱԿԱՆ ԽՈՐՀՈՒՐԴԸ

38. Կուսակցության քաղաքական խորհուրդը (այսուհետ՝ Քաղաքական խորհուրդ) Կուսակցության մշտապես գործող խորհրդատվական մարմինն է, որը չի հանդիսանում ղեկավար մարմին:

39. Իրենց լիազորությունների կատարման ողջ ժամկետով Քաղաքական խորհրդի կազմի մեջ են մտնում Կուսակցության նախագահը, փոխնախագահները, Կուսակցության վարչության անդամները, Կուսակցության տարածքային ստորաբաժանումների ղեկավարները, Կուսակցության կառուցվածքային ստորաբաժանումների ղեկավարները:

40. Քաղաքական խորհուրդը կարող է համալրվել նաև Կուսակցության այլ անդամներով՝ անհատական դիմումի հիման վրա Կուսակցության վարչության որոշմամբ, որը կայացվում է վարչության անդամների ծայների 2/3-ով, բաց քվեարկությամբ, երկու տարի ժամկետով: Ժամկետի լրանալուց հետո այն կարող է երկարաձգվել վարչության որոշմամբ:

41. Քաղաքական խորհուրդը՝

- 1) վերահսկում է Համագումարի և իր որոշումների կատարման ընթացքը և կատարում ամփոփում.
- 2) քննարկում է Կուսակցության ռազմավարությունը, ընդունում է գործողությունների ծրագրեր և դրանք ներկայացնում Կուսակցության վարչության հաստատմանը.
- 3) հաստատում է Ազգային ժողովում Կուսակցության խմբակցության գործունեության հիմնական ուղղությունները.
- 4) հաստատում է Կուսակցության նախընտրական ծրագիրը:

42. Քաղաքական խորհուրդը նախագահում է Կուսակցության նախագահը, իսկ վերջինիս բացակայության դեպքում՝ Կուսակցության փոխնախագահը:
43. Քաղաքական խորհուրդը հաշվետու է Համագումարին:
44. Քաղաքական խորհուրդն իր գործունեությունն իրականացնում է նիստերի հրավիրման, Կուսակցության վարչության համար խորհրդատվական որոշումների ընդունման և Համագումարի որոշումների կատարման միջոցով:
45. Քաղաքական խորհրդի նիստ հրավիրվում է Կուսակցության նախագահի կամ Կուսակցության վարչության անդամների 2/3-ի նախաձեռնությամբ, առնվազն վեց ամիսը մեկ անգամ:
46. Քաղաքական խորհրդի արտահերթ նիստ կարող է հրավիրվել Կուսակցության նախագահի կամ Կուսակցության վարչության անդամների 2/3-ի նախաձեռնությամբ: Նիստի քվորումն առկա է, եթե նիստին ներկա են անդամների թվի կեսից ավելին: Որոշումներն ընդունվում են Քաղաքական խորհրդի անդամների ընդհանուր ձայների թվի պարզ մեծամասնությամբ, բաց քվեարկությամբ:

VIII. ԿՈՒՍԱԿՑՈՒԹՅԱՆ ՎԱՐՉՈՒԹՅՈՒՆԸ

47. Կուսակցության Վարչությունը (այսուհետ՝ Վարչություն) Կուսակցության մշտապես գործող ղեկավար մարմինն է, որի անդամներն ընտրվում են Համագումարի կողմից երեք տարի ժամկետով՝ փակ քվեարկությամբ:
48. Վարչությունը կազմված է ինը անդամից, ներառյալ՝ Կուսակցության նախագահը և փոխնախագահները:
49. Վարչության կազմը հաստատվում և փոփոխվում է Համագումարի կողմից՝ Համագումարում ձայնի իրավունք ունեցող մասնակիցների ընդհանուր թվի ձայների պարզ մեծամասնությամբ:
50. Վարչության անդամ են ընտրվում Համագումարում ձայնի իրավունք ունեցող մասնակիցների առավել մեծ թվով քվե ստացած թեկնածուները:
51. Վարչության անդամի լիազորությունների վաղաժամկետ դադարեցման դեպքում Վարչության կազմը չի համալրվում:
52. Վարչության անդամը չի կարող լինել Կուսակցության վերահսկիչ հանձնաժողովի անդամ:

53. Վարչությունը նախագահում է Կուսակցության նախագահը, իսկ վերջինիս բացակայության դեպքում՝ Կուսակցության փոխնախագահը:

54. Վարչությունը հաշվետու է Համագումարին:

55. Վարչությունը՝

- 1) իր կազմից՝ բաց քվեարկությամբ, Կուսակցության նախագահի առաջարկությամբ, ձայների պարզ մեծամասնությամբ, ընտրում և ազատում է Կուսակցության փոխնախագահին և արտաքին հարցերով քարտուղարին.
- 2) իրականացնում է Կուսակցության ամենօրյա կառավարումը, մշակում է Կուսակցության մարտավարությունը, ընդունում է որոշումներ.
- 3) կազմակերպում, ղեկավարում և վերահսկում է Համագումարի որոշումների կատարման գործընթացը.
- 4) հրավիրում է Կուսակցության հերթական Համագումարը, նախապատրաստում և կազմակերպում է դրա անցկացումը.
- 5) որոշում է կայացնում Կուսակցության արտահերթ Համագումար հրավիրելու մասին Վարչություն անդամների 2/3-ի նախաձեռնությամբ կամ Կուսակցության անդամների 1/5-ի նախաձեռնությամբ.
- 6) որոշում է կայացնում Համագումարի օրակարգի նախագիծը հաստատելու մասին, հաստատում է Համագումարի գումարման օրը, պատվիրակների ցանկը և ընդհանուր թիվը.
- 7) մշակում և Համագումարի հաստատմանն է ներկայացնում փոփոխությունները Կանոնադրության մեջ և ծրագրում, դրանց հարակից այլ փաստաթղթերում.
- 8) որոշում է կայացնում համապետական, տեղական ինքնակառավարման մարմինների ղեկավարների և ավագանու, Ազգային ժողովի պատգամավորության և Կառավարությունում քաղաքական պաշտոններում համապատասխան թեկնածուներ առաջադրելու մասին.
- 9) մշակում և հաստատում է համապետական և տարածքային ընտրություններին ընտրական ցուցակները, հաստատում է Ազգային ժողովի ընտրություններին և համամասնական ընտրակարգով ընտրվող համայնքների ավագանիների ընտրություններին ընտրական ցուցակների ձևավորման կարգը՝ համաձայն «Հայաստանի Հանրապետության ընտրական օրենսգիրք» սահմանադրական օրենքով ընտրական ցուցակներին ներկայացվող պահանջներին: Ընտրական

ցուցակների ձևավորման ժամանակ հաշվի են առնվում Կուսակցության անդամների, ինչպես նաև տարածքային ստորաբաժանումների ներկայացրած առաջարկությունները:

- 10) որոշում է կայացնում Ազգային Ժողովի ընտրություններին դաշինքով մասնակցելու կամ խորհրդարանական այլ ուժերի հետ դաշինք ստեղծելու վերաբերյալ.
 - 11) որոշում է կայացնում այլ պետությունների քաղաքական կուսակցությունների հետ համագործակցելու, միջազգային միություններին անդամագրվելու վերաբերյալ.
 - 12) ստեղծում և կազմալուծում է Կուսակցության տարածքային և կառուցվածքային ստորաբաժանումները, վերահսկում է դրանց աշխատանքները.
 - 13) հաստատում է Կուսակցության տարածքային ստորաբաժանումների և կառուցվածքային ստորաբաժանումների ձևավորման և գործունեության կարգերը, Կուսակցության գույքի կառավարման, Կուսակցության անդամավճարների գանձման կարգերը, ինչպես նաև դրանցում կատարված փոփոխությունները.
 - 14) ընդունում և հաստատում է Կուսակցության անդամակցության դիմումները, Կուսակցությունից դուրս գալու դիմումները, Կուսակցության անդամների նկատմամբ կիրառում է Կանոնադրությամբ սահմանված խրախուսանքները և տույժեր.
 - 15) որոշումներ է կայացնում Կուսակցության գործունեության բոլոր այն հարցերի վերաբերյալ, որոնք Կանոնադրությամբ վերապահված չեն Համագումարին կամ Կուսակցության նախագահին.
 - 16) Կուսակցության նախագահի առաջարկությամբ հաստատում է Կուսակցության տարեկան բյուջեն.
 - 17) հաստատված տարեկան բյուջեի հիման վրա հաստատում է Կուսակցության ծախսերի նախահաշիվը.
 - 18) սահմանում է անդամավճարի չափը և վճարման կարգը.
 - 19) քննարկում է Կուսակցության տարեկան բյուջեի կատարողականի վերաբերյալ հաշվետվությունը.
 - 20) իրականացնում է Կուսակցության՝ որպես ոչ առևտրային իրավաբանական անձի այլ լիազորություններ:
56. Վարչությունն իր գործունեությունն իրականացնում է նիստերի, որոշումների ընդունման, դրանց և Համագումարի որոշումների կատարման միջոցով:

57. Վարչության նիստերը գումարում են առնվազն ամիսը մեկ անգամ:
58. Արտահերթ նիստ կարող է հրավիրվել Կուսակցության նախագահի կամ Վարչության անդամների առնվազն 1/3-ի նախաձեռնությամբ:
59. Նիստի քվորումն առկա է, եթե նիստին ներկա են Վարչության անդամների թվի կեսից ավելին:
60. Որոշումներն ընդունվում են Վարչություն անդամների ընդհանուր ձայների թվի պարզ մեծամասնությամբ, բաց քվեարկությամբ: Ձայների հավասարության դեպքում նախագահողի ձայնը վճռորոշ է:
- Վարչությունը պարտավոր է կատարել օրենքով և սույն Կանոնադրությամբ իրեն վերապահված լիազորությունները:

IX. ԿՈՒՍԱԿՑՈՒԹՅԱՆ ՆԱԽԱԳԱՀԸ

61. Կուսակցության նախագահի թեկնածուներն առաջադրվում են Համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:
62. Կուսակցության նախագահ է ընտրվում Համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:
63. Կուսակցության նախագահն ընտրվում է երեք տարի ժամկետով:
64. Կուսակցության նախագահի հետկանչի իրավունք ունի միայն Համագումարը Վարչության անդամների կողմից կայացրած որոշման հիման վրա, որին կողմ են քվեարկել Վարչության անդամների առնվազն 4/5-րդը:
65. Կուսակցության նախագահը՝
- 1) իրականացնում է Կուսակցության ընդհանուր ղեկավարումը.
 - 2) հրավիրում և նախագահում է Վարչության նիստերը, ապահովում է Համագումարի և Վարչության որոշումների կատարումը.
 - 3) ներկայացնում է Կուսակցությունը և առանց լիազորագրի հանդես է գալիս նրա անունից.
 - 4) Վարչության հաստատմանն է ներկայացնում Կուսակցության աշխատողների հաստիքացուցակը և դրույքաչափերը, աշխատանքի է ընդունում և աշխատանքից ազատում է Կուսակցության հաստիքային աշխատողներին.
 - 5) Համագումարին հաշվետվություն է ներկայացնում Կուսակցության գործունեության մասին.

- 6) արձակում է հրամաններ և կարգադրություններ, ստորագրում է Վարչության ընդունած որոշումները և այլ անհրաժեշտ փաստաթղթեր, ինչպես նաև Կուսակցության անունից կնքում է պայմանագրեր և համաձայնագրեր.
 - 7) հաստատում է Կուսակցության ձևաթղթերը, կնիքի ձևը և անհատականացման այլ միջոցները.
 - 8) իր իրավասության սահմաններում որոշումներ է կայացնում Կուսակցության գործունեության ընթացիկ հարցերի վերաբերյալ.
 - 9) Վարչության քննարկմանն ու հաստատմանն է ներկայացնում Կուսակցության տարեկան բյուջեն, դրամական ծախսերի նախահաշիվները.
 - 10) տնօրինում է Կուսակցության գույքը և դրամական միջոցները.
 - 11) իրականացնում է Կանոնադրությունով և Համագումարի կողմից իրեն վերապահված այլ լիազորություններ:
66. Կուսակցության նախագահի բացակայության դեպքում նրան փոխարինում է Կուսակցության փոխնախագահը, իսկ դրա անհնարինության դեպքում՝ Վարչության՝ տարիքով ավագ անդամը:

X. ԿՈՒՍԱԿՑՈՒԹՅԱՆ ՓՈԽՆԱԽԱԳԱՀԸ

67. Կուսակցությունն փոխնախագահ, որը ընտրվում է Վարչության կազմից երեք տարի ժամկետով, Կուսակցության նախագահի առաջարկությամբ, Վարչության անդամների կողմից՝ բաց քվեարկությամբ, ծայների պարզ մեծամասնությամբ:
68. Փոխնախագահը աջակցում է Կուսակցության նախագահին՝ վերջինիս լիազորությունների արդյունավետ իրականացման համար:
69. Կուսակցության փոխնախագահի իրավասությունների շրջանակը ՀՀ օրենսդրության, սույն Կանոնադրության, ինչպես նաև Կուսակցության ծրագրի շրջանակներում կազմվում և հաստատում է Կուսակցության նախագահի կողմից:
70. Կուսակցության փոխնախագահը Կանոնադրությամբ սահմանված դեպքերում փոխարինում է Կուսակցության նախագահին:
71. Կուսակցության փոխնախագահը Կուսակցության նախագահի հանձնարարությամբ համակարգում է տարածքային և կառուցվածքային ստորաբաժանումների աշխատանքները:

72. Կուսակցության փոխնախագահի լիազորությունները դադարեցվում են Կուսակցության նախագահի առաջարկությամբ՝ Վարչության անդամների ծայների պարզ մեծամասնությամբ:

XI. ԿՈՒՍԱԿՑՈՒԹՅԱՆ ԳՐԱՍԵՆՅԱԿԸ

73. Կուսակցության գրասենյակը (այսուհետ՝ Գրասենյակ) ապահովում է Կուսակցության ընթացիկ գործունեության իրականացումը:

74. Գրասենյակը ձևավորվում է Կուսակցության նախագահի կողմից և գտնվում է վերջինիս ենթակայության ներքո:

75. Գրասենյակի կառավարումն իրականացնում է Կուսակցության նախագահը, իսկ ղեկավարումը՝ Գրասենյակի ղեկավարը:

76. Գրասենյակի կանոնադրությունը, կառուցվածքը և դրանց փոփոխությունները հաստատում է Կուսակցության նախագահը:

77. Գրասենյակը՝

- 1) իրականացնում է Կուսակցության կազմակերպչական, գործավարության, տեխնիկական ապահովման և սպասարկման գործառույթները.
- 2) ապահովում է Կուսակցության փաստաթղթաշրջանառությունը և դրա նկատմամբ վերահսկողությունը.
- 3) աջակցում է Կուսակցության ղեկավարին Վարչության նիստերի հրավիրման, անցկացման և կազմակերպչական աշխատանքներում, ինչպես նաև պատասխանատու արձանագրման համար.
- 4) Կուսակցության նախագահի կողմից տրված հանձնարարականների կատարման նպատակով կարող է հրավիրել և անցկացնել խորհրդակցություններ.
- 5) իրականացնում է օրենքով և սույն Կանոնադրությամբ նախատեսված այլ լիազորություններ:

78. Գրասենյակի ղեկավարն աշխատանքների կազմակերպման մասով սույն Կանոնադրությամբ սահմանված դեպքերում ընդունում է որոշումներ, Գրասենյակի՝ իրեն ենթակա աշխատողներին տալիս է ցուցումներ և հանձնարարականներ:

79. Գրասենյակի ղեկավարը՝

- 1) ղեկավարում է Գրասենյակի ընթացիկ գործունեությունը.

- 2) Կուսակցության նախագահին ներկայացնում է առաջարկություններ Գրասենյակի նպատակների ու խնդիրների իրականացման վերաբերյալ.
 - 3) Կուսակցության նախագահին պարբերաբար ներկայացնում է տեղեկատվություն և հաշվետվություններ Գրասենյակի կողմից իրականացվող աշխատանքների ընթացքի մասին.
 - 4) Կուսակցության նախագահի հանձնարարությամբ իրականացնում է այլ գործառույթներ.
 - 5) իրականացնում է օրենքով, այլ իրավական ակտերով և սույն կանոնադրությամբ նախատեսված այլ լիազորություններ:
80. Գրասենյակի ղեկավարն անմիջական հաշվետու է Կուսակցության նախագահին:
81. Կուսակցության նախագահի համաձայնությամբ՝ Գրասենյակի ղեկավարը կարող է ստորագրել Գրասենյակի գործառույթների իրականացմանն առնչվող փաստաթղթեր, եթե օրենքով այլ բան նախատեսված չէ:

XII. ԿՈՒՍԱԿՑՈՒԹՅԱՆ ԱՐՏԱՔԻՆ ՀԱՐՑԵՐՈՎ ՔԱՐՏՈՒՂԱՐԸ

82. Կուսակցության արտաքին հարցերով քարտուղարը Կուսակցության նախագահի առաջարկությամբ ընտրվում է Վարչության կազմից, Վարչության անդամների կողմից՝ բաց քվեարկությամբ, ձայների պարզ մեծամասնությամբ, երեք տարի ժամկետով:
83. Կուսակցության արտաքին հարցերով քարտուղարը՝
- 1) համակարգում է Կուսակցության համագործակցությունը գործընկեր օտարերկրյա կուսակցությունների, միջազգային կազմակերպությունների, ՀՀ-ում ներկայացված դիվանագիտական ներկայացուցչությունների և հիմնադրամների հետ.
 - 2) Կուսակցության նախագահի հետ քննարկելով՝ ներկայացնում է Կուսակցությունը վերը նշված կառույցներում և աջակցում Կուսակցությանը սատարող հասարակական կազմակերպությունների, երիտասարդական կառույցների, հիմնադրամների ու կրթական հաստատությունների գործունեությանը:

84. Կուսակցության արտաքին հարցերով քարտուղարի լիազորությունները դադարեցվում են Կուսակցության նախագահի առաջարկությամբ Վարչության կողմից՝ Վարչության անդամների ձայների պարզ մեծամասնությամբ:

XIII. ԿՈՒՍԱԿՑՈՒԹՅԱՆ ՀԱՄԱՅՆՔԱՅԻՆ ԿԱՌՈՒՅՑՆԵՐԸ

85. Համայնքային կառույցները, որոնք Կուսակցության տարածքային ստորաբաժանումներն են, ձևավորվում են տարածքային հատկանիշով՝ Հայաստանի Հանրապետության մարզերում և Երևան քաղաքի վարչական շրջաններում՝ Վարչության որոշմամբ:

86. Համայնքային կառույցի անդամ կարող են դառնալ տվյալ մարզում կամ համայնքում Կուսակցության անդամները՝ ներկայացված ինքնաառաջադրման դիմումների հիման վրա և Վարչության որոշմամբ:

87. Համայնքային կառույցները գործում են մշտական հիմունքներով, կարող են ունենալ իրենց գրասենյակ(ներ)ը և աշխատակազմը:

88. Հաշվի առնելով Կուսակցության անդամների և համակիրների թիվը՝ մեկ մարզում Կուսակցությունը կարող է ունենալ մեկից ավելի համայնքային կառույցներ, իսկ Մայրաքաղաք Երևանի կառույցներ կարող են ստեղծվել բոլոր համայնքներում:

89. Կուսակցության համայնքային կառույցները իրենց գործունեությունն իրականացնում են նիստերի հրավիրման, որոշումների ընդունման և կատարման: Ինչպես նաև Համագումարի, Վարչության և Կուսակցության նախագահի որոշումների կատարման միջոցով:

90. Կուսակցության համայնքային կառույցների նիստերը հրավիրվում են առնվազն ամիսը մեկ անգամ: Նիստի քվորումն առկա է, եթե նիստին ներկա են կառույցի անդամների թվի կեսից ավելին:

91. Կուսակցության համայնքային կառույցների կողմից որոշումներն ընդունվում են համայնքային կառույցների անդամների ընդհանուր ձայների թվի պարզ մեծամասնությամբ, բաց քվեարկությամբ:

92. Կուսակցության համայնքային կառույցը ընտրում է իր կազմից կառույցի ղեկավար, քարտուղար և վերահսկիչ:

93. Կուսակցության համայնքային կառույցի ղեկավարի ընտրությունը կատարվում է քվեարկությամբ՝ ձայների պարզ մեծամասնությամբ:

94. Կուսակցության համայնքային կառույցի ղեկավարն ընտրվում է երեք տարի ժամկետով, բաց քվեարկությամբ: Քվորումն առկա է, եթե Կուսակցության համայնքային կառույցի նիստին ներկա են կառույցի անդամների կեսից ավելին:
95. Համայնքային կառույցների նիստերը նախագահում է տվյալ կառույցի ղեկավարը, իսկ նրա բացակայության դեպքում՝ կառույցի քարտուղարը:
96. Կուսակցության համայնքային կառույցը իր գործունեության մասին հաշվետու է Վարչությանը:
97. Կուսակցության համայնքային կառույցի ղեկավար մարմինը կարող է ընդունել Կուսակցության անդամության հայտեր:
98. Համայնքային կառույցները համապատասխան որոշումներով Համագումարի համար ներկայացնում են պատվիրակներ:

XIV. ԿՈՒՍԱԿՑՈՒԹՅԱՆ ՀԱՄԱՅՆՔԱՅԻՆ ԿԱՌՈՒՅՑԻ ՂԵԿԱՎԱՐԸ, ՔԱՐՏՈՒՂԱՐԸ ԵՎ ՎԵՐԱՀՍԿԻԶԸ

99. Կուսակցության համայնքային կառույցի ղեկավարը՝
- 1) իրականացնում է համայնքային կառույցի կառավարումը.
 - 2) հրավիրում և վարում է համայնքային կառույցի նիստերը.
 - 3) հետևում է Կուսակցության գործադիր մարմնի կողմից հանձնարարված աշխատանքների կազմակերպմանը և կատարմանը.
 - 4) ներկայացնում է Կուսակցության ղեկավար մարմինների որոշումները համայնքային կառույցի անդամներին և ապահովում է նրանց կողմից առաջարկությունների, բողոքների հավաքման գործընթացը.
 - 5) համայնքային կառույցի գործունեության մասին տարեկան հաշվետվություն է ներկայացնում Վարչությանը.
 - 6) կատարում է Համագումարի, Կուսակցության նախագահի և Վարչության կողմից իրեն վերապահված այլ պարտականություններ:
100. Կուսակցության համայնքային կառույցի քարտուղարն ընտրվում է համայնքային կառույցի կողմից, իր կազմից՝ երեք տարի ժամկետով, կառույցի անդամների ընդհանուր թվի պարզ մեծամասնությամբ, բաց քվեարկությամբ:
101. Համայնքային կառույցի քարտուղարը՝
- 1) կազմում է նիստերի արձանագրությունները.

- 2) համայնքային կառույցի ղեկավարի բացակայության դեպքում փոխարինում է նրան.
 - 3) կատարում է Կուսակցության ղեկավար մարմինների կողմից իրեն հանձնարարված այլ գործառույթներ:
102. Կուսակցության համայնքային կառույցն ընտրում է վերահսկիչ, բաց քվեարկությամբ, երեք տարի ժամկետով, կառույցի անդամների ընդհանուր թվի պարզ մեծամասնությամբ:
103. Վերահսկիչը չի կարող լինել համայնքային կառույցի անդամ կամ Կուսակցության այլ կառուցվածքային ստորաբաժանումների անդամ:
104. Կուսակցության համայնքային կառույցի վերահսկիչը՝
- 1) իրականացնում է վերահսկողություն Կուսակցության համայնքային ստորաբաժանման դրամական միջոցների ձևավորման և ծախսման գործընթացների վրա, Կուսակցության անդամների գործունեության համապատասխանությանը Կուսակցության քաղաքական և գաղափարական գծին.
 - 2) վերահսկում է Կուսակցության գույքի տնօրինման, տիրապետման և օգտագործման գործընթացները մարզային և համայնքային մակարդակներում.
 - 3) կատարում է այլ գործառույթներ, որոնք հանձնարարվում են Կուսակցության Վերահսկիչ հանձնաժողովի կողմից:
105. Կուսակցության համայնքային կառույցների ձևավորման կարգը, գործունեությունը, անդամների, ղեկավարի և քարտուղարի ընտրությունը կարգավորվում են առանձին կարգով, որը հաստատվում է Վարչության կողմից:

XV. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԱՅԻՆ ՍՏՈՐԱԲԱԺԱՆՈՒՄՆԵՐԸ

106. Կուսակցության կառուցվածքային ստորաբաժանումները կազմավորվում են Կուսակցության Վարչության կողմից:
107. Կուսակցության կառուցվածքային ստորաբաժանումների թիվը հաստատուն չէ: Դրանց քանակը, ինչպես նաև անդամների կազմը և թիվը կարող է փոփոխվել Կուսակցության Վարչության կողմից:
108. Կուսակցության կառուցվածքային ստորաբաժանման ղեկավարը նշանակվում է Կուսակցության Վարչության կողմից:

109. Կուսակցության կառուցվածքային ստորաբաժանման ղեկավարը համակարգում է հանձնաժողովի աշխատանքները, հետևում է Վարչության կողմից տրված հանձնարարականների կատարմանը և համապատասխան աշխատանքների իրականացման մասին հաշվետվություն է ներկայացնում Վարչությանը և Կուսակցության վերահսկիչ հանձնաժողովին:
110. Կուսակցության կառուցվածքային ստորաբաժանման կառուցվածքը, գործունեության առանձնահատկությունները կարգավորվում են առանձին կարգով:

XVI. ԿՈՒՍԱԿՑՈՒԹՅԱՆ ՎԵՐԱՀՍԿԻՉ ՀԱՆՁՆԱԺՈՂՈՎԸ

111. Կուսակցության գործունեության վերահսկման նպատակով համագումարի կողմից երեք տարի ժամկետով ընտրվում է Կուսակցության վերահսկիչ հանձնաժողով (այսուհետ՝ Վերահսկիչ հանձնաժողովը):
112. Վերահսկիչ հանձնաժողովը կազմված է երեք անդամից:
113. Վերահսկիչ հանձնաժողովի անդամը չի կարող լինել Վարչության անդամ, Կուսակցության կառուցվածքային ստորաբաժանման ղեկավար կամ անդամ:
114. Վերահսկիչ հանձնաժողովը հաշվետու է Համագումարին:
115. Վերահսկիչ հանձնաժողովը՝
- 1) վերահսկում է Կուսակցության դրամական միջոցների ձևավորման և ծախսման գործընթացները.
 - 2) Կուսակցության անդամների գործունեության համապատասխանությունը Կուսակցության քաղաքական և գաղափարական գծին.
 - 3) Կուսակցության կառուցվածքային ստորաբաժանումների գործունեությունը, Կուսակցության գույքի տնօրինման, տիրապետման և օգտագործման գործընթացները.
 - 4) ընդունում է որոշումներ, եթե մասնակցում են հանձնաժողովի անդամների կեսից ավելին. որոշումներն ընդունվում են հանձնաժողովի ներկա անդամների ձայների պարզ մեծամասնությամբ.

5) կատարում է այլ գործառույթներ, որոնք հանձնարարվում են Կուսակցության Համագումարի կողմից:

XVII. ԿՈՒՍԱԿՑՈՒԹՅԱՆ ՍԵՓԱԿԱՆՈՒԹՅՈՒՆԸ ԵՎ ԴՐԱՄԱԿԱՆ ՄԻՋՈՑՆԵՐԸ

116. Կուսակցության սեփականությունը, այդ թվում ծրագրային և կանոնադրական խնդիրների իրականացման համար անհրաժեշտ շինություններ, փոխադրամիջոցներ և այլ գույք, գոյանում են նվիրատվությունից, սահմանված կարգով իրականացված գործունեությունից և օրենքով չարգելված այլ աղբյուրներից:

117. Կուսակցության կողմից ստացված, ինչպես նաև նրա սեփական միջոցների հաշվին ստեղծված և (կամ) ձեռք բերված գույքի սեփականատերը Կուսակցությունն է:

118. Դրամական միջոցները ձևավորվում են անդամավճարներից, օրենքով նախատեսված նվիրատվություններից, օրենքով նախատեսված բյուջետային ֆինանսավորումից, քաղաքացիաիրավական գործարքներից և օրենսդրությամբ չարգելված այլ մուտքերից:

119. Կուսակցության գույքը և դրամական միջոցները տնօրինում է Կուսակցության նախագահը:

120. Կուսակցության տարածքային և կառուցվածքային ստորաբաժանումները Կուսակցության կողմից իրենց հատկացված գույքը տիրապետում և օգտագործում են Վարչության կողմից նախատեսված կարգով:

XVIII. ԿՈՒՍԱԿՑՈՒԹՅԱՆ ՎԵՐԱԿԱԶՄԱԿԵՐՊՄԱՆ ԵՎ /ԿԱՄ/ ԼՈՒԾԱՐՄԱՆ ԿԱՐԳԸ

121. Կուսակցության վերակազմակերպումը և (կամ) լուծարումը կարող է կատարվել Համագումարի որոշմամբ Հայաստանի Հանրապետության օրենսդրությամբ և սույն Կանոնադրությամբ սահմանված կարգով: Կուսակցությունը կարող է վերակազմակերպվել (միաձուլվել, միանալ, բաժանվել, առանձնանալ) մեկ այլ Կուսակցության (Կուսակցությունների):

122. Կուսակցության վերակազմակերպման և (կամ) լուծարման նախաձեռնությամբ կարող է հանդես գալ Վարչությունը կամ Համագումարի անդամների կամ պատվիրակների առնվազն 2/3-ը՝ գրավոր պահանջով:

123. Կուսակցության վերակազմակերպման և (կամ) լուծարման մասին որոշումն ընդունվում է Համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ, բաց քվեարկությամբ:
124. Համագումարի կողմից Կուսակցության լուծարման մասին որոշում ընդունելու դեպքում ստեղծվում է լուծարային հանձնաժողով, որը Հայաստանի Հանրապետության օրենսդրությամբ սահմանված կարգով տնօրինում է Կուսակցության գույքը և դրամական միջոցները, ինչպես նաև իրականացնում է Կուսակցության լուծարման հետ կապված աշխատանքները: Կուսակցության լուծարումից հետո մնացած գույքը, Համագումարի որոշմամբ, ծախսվում է Կուսակցության կանոնադրական նպատակների համար, իսկ անհնարինության դեպքում փոխանցվում է պետական բյուջե:

